

清 孔 广 陶 摹 刻

岳雪楼鉴真法帖

南宮待占
臨小宋跋
而縱之於
觀者世法
沙石雲
指何礙

邁往宜興
為學頗古
治亂禍方
不凡也此二書

下

隨行此二
事廢興
諸楚詞二
書其不廢

清·孔广陶摹刻

嶽雪樓鑒真法帖

巒雪樓鑑真法帖 牛鼎



少唐



元趙文敏子昂



故宋正議大夫守尚書戶部侍郎贈銀青光祿大夫趙府君阡表

府君諱

字中父 系 曹出宋藝祖

世居汴

自秀安僖王五世而

至府君秀安僖王生

崇憲靖王諱

是為府君曾王

父崇憲靖王生新興恭襄王諱

是為府君王父其世

次應官語在宋史新興恭襄王生通議府君諱

仕宋朝奉大夫直華文閣累贈通議大夫是為府君王考

妣碩人鄭氏府君生而秀令弱冠以通議蔭補官初調
饒州司戶叅軍辟監海昌鹽場俄易黃姚運鹽辟
兼浙西茶鹽司主管文字改浙西提刑司幹辦公事
除知蕭山縣以治家聞淳祐八年除幹辦行在諸司
糧料院五月出通判臨安府十一月除軍器監主簿明
年十一月監三省樞密院門又明年正月遷太府寺丞兼
大宗正丞出知嘉興府治為郡家拜金部郎官兼右

司特除直秘閣兩浙轉運判官未上改提舉浙西常
平義倉茶鹽公事寶祐元年升軍器監尋除直寶
章閣兩浙西路提點刑獄公事二月兼提舉九月兼
主管淮浙發運司公事十月知平江府以言者免二年
差主管建康府崇禧觀三年除將作監總領浙西江東
財賦淮東軍馬錢糧疏辭不報四年兼權知鎮江府
除^司農少卿五年升太府卿六年除秘閣脩撰江西轉

運副使兼知隆興府以言者罷景定元年五月除司農
卿兼左司郎中兼勅令所刪脩官十二月除右文殿脩撰
兩浙轉運副使二年四月陞集英殿脩撰尋進寶章閣
待制知臨安府浙西安撫副使六月遷樞密都承旨後省
疏駁免老提舉江州太平興國宮十月除江東轉運使
賜金紫服十一月兼提領淮西軍馬錢糧三年二月兼提
領江淮茶鹽所十月除權戶部侍郎尋升敷文閣待制

賜金帶以言者免差提舉隆興府玉隆萬壽宮四年
九月起知平江府兼浙西提刑十一月兼提舉五年進顯
謨閣待制召拜兩浙轉運使除權戶部侍郎是歲十月
理宗徂落度宗踐阼拜戶部侍郎兼知臨安府浙西
安撫使咸淳元年賜進士出身三月以疾卒於府治烏
乎哀哉實廿三日也烏乎哀哉遺表聞度宗震悼賜
銀三百兩緡三百匹以餒贈銀青光祿大夫官自迪功郎至

通奉

大夫爵歸安縣開國子府君生於嘉定癸酉十月

日享年五十有三娶德清李氏先十五年卒累贈碩人
子男八人孟頫孟頴孟頵孟頥孟頫孟頽孟頾孟頿
頫將仕佐郎杭州路儒學教授孟頵奉議大夫滄鹽使
孟頴奉議大夫汾州知州孟頵承務郎同知南劍州餘皆
嘗仕宋而頴頵已不幸死女十四人孟頵適沈昌言孟鼎
適史周卿孟允適韓浩孟歸適陳好謙孟良適奉政

大夫慶元路提管府治中張伯淳孟家適韓癸甫孟
比適印直傳孟益適通議大夫南雄路提管兼府尹
印德傳孟莘適錢澄孟漸適錢誼孟豫適沈光謙
孟遇適施孟過孟既未嫁而夫孫男廿四人孫女廿人
曾孫男二人女一人府君卒之年^合葬^{湖州}烏程縣澄靜鄉
村越十一年墓毀于盜至元庚辰乃抱痛改卜城南車
蓋山之原徙塋焉府君玉立長身眉目踈秀襟度洒

落不藏怒蓄怨性好學躬布衣韋帶之行才任治劇
不為事所汨沒當時每擇人理劇煩事未嘗不在選
中而為政務禮部侍郎豈弟至皆所至有惠愛仕卅年先世田園乃更
加損先友東平劉公震孫諫之曰於時為循吏於朝為
名卿於國為信厚公族世以為知言府君沒十二年而
宗歸于

元又十一年當至元廿四年不肖孤孟頫蒙

恩召至

闕下擢兵部郎中入直集賢出知濟南府數年之間馳
馳南北故於府君之行事本末不遑有所紀載實不
肖孤之罪元貞元年孟頫自濟南罷官歸里思守先
人丘壠以為終焉之計而又拜汾州之
命恐遂失隊泯沒乃^收泣書一二刻石墓田以示後昆
大德元年十二月 不肖孤孟頫述



趙承旨所表董香光刻入鴻堂中然豈約頓殊穠纖各判
不知當日何以簡率若此此從真蹟鈎勒上石神理不若
鉅黍較鴻堂有過之無不及也香光嘗目短吳興未窺晉
人門戶觀此筆已圓健無懈可擊覺晉代衣寶髻珠流
傳有緒文人相輕未為萬論耳

己亥五月陳其銚題



蘭亭佇興像贊標奇千古楷則厥惟會稽李唐而降各闢町畦有宋王孫克守晉規初胎奇葩絕底明漪既溫而栗亦和且夷我儀古人鑄金事之

道光己亥中秋後二日觀趙書并識

南海孔繼敷



子昂是年授汾州之命踰年入京留書金字藏
經改集賢直學士不至汾州也時子昂四十四歲中
父卒於宋咸淳元年子昂年始十二李碩人已前
十五年卒則子昂非李出可知中父官至侍郎始
賜進士出身女十四人以孟名之並詳於表皆不
見也林台棠跋



此表畫若羊，澄心靜眎則羊毫腕結構精
 嚴，想其下筆時，刃如雲霞，神速如風雨，邢子
 愿謂趙松雪楷法直入山陰之室，信然。道光己
 亥春仲花朝日，觀於蔗田農部，佇月樓玩味
 不已。爰綴數語，用誌墨緣。香山鮑俊跋後。



所表結構與用邪家傳相仿，彼則端莊，此則流華，殊非忤
 直異曲同工，且見古人恭述祖德，雖一稿本無在不存，敬慎之
 意，今得好觀，并奏此石，計後先太史二十年矣。

己未春月南畝氏



大乘妙法蓮華經卷第六

姚秦三藏法師鳩摩羅什奉詔譯

妙法蓮華經隨喜功德品第十八

爾時彌勒菩薩摩訶薩白佛言世尊若有善男子善人聞是法華經隨喜者得幾所福而說偈言

世尊滅度後其有聞是經若能隨喜者為得幾所福爾時佛告彌勒菩薩摩訶薩阿逸多如來滅後若比丘比丘尼優婆塞優婆夷及餘智者若長若幼聞是經隨